



FM 2015/11
Tillie Martinussen
11. marts 2015

2013-imut Nunatta Karsiata naatsorsuutaasa akuersissutigineqarnissaannik siunnersuut.

(Aningaasaqarnermut Aatsitassanullu Naalakkersuisoq)

(Siullermeenera)

Demokraatini paasivarput 2013-mut Aningaasanut Inatsimmi amingartoorutissatut missingersuutit paarlattuannik sinneqartooruteqartoqarsimasoq. Tamanna soorunami Landskarsip aningaasaqarniarneranut iluaqutaavoq.

Puigussanngilarpulli allanngorneq sumik pissuteqarsimanersoq. Isertitaqarnerulerneq pissutaava? Sipaarteqarsimaneq pissutaava? Imaluunniit pissutaava suliniutit missingersuutigineqartut piviusunngortinneqarsimannginnerat?

Landskarsip 2013-mut naatsorsuutaani takuneqarsinnaavoq, sinneqartoorutit ilaat pissuteqarsimasut ingerlatseqatigiiffinninngaanniit isertitaqarnerunermik kiisalu akileraarutit akitsuutillu amerlanerusimanerannik, taakkuinnaalli nassuiaatissaanngillat. Taamaattumik Kukkunersiui nermut Ataatsimiititaliaq sulileruni qinnuigineqarpoq, immikkut misissorluaqqullugit suut pissutaanersut amingartooruteqarnissamut missingersuuteqaraluernerup paarlattuannik sinneqartooruteqarsimanermit.

Tamatuma saniatigut Demokraatini isumaqarpugut Kukkunersiui nermit Ataatsimiititaliap misissussagaa paasiniarlugulu, 2013-mi Naalakkersuisuusimasut malittarisassat inatsisillu eqquutsissimaneeraat, ilassinninnermut aningaasartuutit, kreditkortinik atuisarneq, ingiallorteqarlunilu angalasarnerit eqqarsaatigalugit.

Taamatut oqaaseqarluta Demokraatini siunnersuut Kukkunersiui nermit Ataatsimiititaliamut innersuupparput.